



# Hmasawanna Thar

( A N I N D E P E N D E N T D A I L Y N E W S P A P E R )

Regd. No. RNI - 40917/89 | Postal Regd. No. MNP - 67



Palestina President Mahmoud Abbas chu India rama ni 4 cham dinghin vawisun hin India hunglunga tih.

Contact Numbers pawimaw :  
DC/CCPur : 03874-234234  
SP/CCPur : 03874-236747  
Police Station : 03874-202248  
SP Control Room: 03874-233239  
Dist. Hospital Casualty : 03874-233370  
Fire Brigade : 8974 147 799/  
8258 057 887 / 8974 103 600

Hmasawanna Thar Vol - 32/205

Churachandpur

email : hmasawannatharnews@yahoo.com

Phone: +91-3874-236846

Rs 6/- per copy

## Tekin mi pahni a deng hlum



CCPUR: May 13, 2017, sun dar 12 vel khan Damdiei khuoa Loa fe Mr Kapvel, s/o Upa Laltharlien le Mr Lalhlum Hrangate @ Uma, s/o Hluta of Damdiei hai chu Tekin a denghlum niin ei thu dawngna chun a hril. Ei thu dawngnain a hril danin Lalhlum le Kapvel hai hi ruosor leia Tja an chawhahad huna Tekin a hung deng nia hril a nih. Hi thil tung huna hin Lalhlum le Kapvel bakah Ruotfel hai an um a, Tekin a hung deng hin an rengin an tlu vawng a, iemanchen hnungah Ruot-

fel hi a hung harsuok a, a bul lai a hang envel chun a ruolhai chu an lo thi hman vawng ta nia hril a ni a, hi hnung hin Ruotfel hin midang a kokhawm a, chu taka inthawk hi thil tung hi hrieta hung um chau nia hril a nih. An umna Tu bul laia thingkung um hai chu Tek tla hin dengfuknaw a nei dernaw nia hril a ni bawk. Mithi hai hi May 14, 2017 hin Damdiei thlanmuolah vuiliem ning an tih. Ruotfel hi Upa Laltharlien@ Thara sangnu niin ei thu dawngna chun a hril.


## MC Mary Kom, RS MP khuollienin a thang ding

CCPUR: Hmar Martyrs' Trophy Organizing Board huohawtnain May 16, 2017, 10:30AM a inthawk khin The 27th Hmar Martyrs' Day hmanagna le 14th State Level Hmar Martyrs' Trophy Closing Ceremony puithu takin Saikawt Playground, CCPur hmuna hmanung nia tih. Hi huna hin Boxing World Champion tung 5 lo nita le Rajya Sabha MP Pi Dr M.C. Mary Kom khuollienin thang a ta; Pu Letpao Haokip, Minister IFCD & YAS, Govt. of Manipur; Dr Chaltonien Amo, MLA, Tipaimukh A/C le Dr L. Fimate, former Director, RIMS, Imphal hai chu Guest of Honour, Fountional President le Chief Host in thang an tih. Martyrs Day inserna le closing function a hin

Blessed Choir, Mr Lalsanglien Zote, Nk Lalengvari Sinate, Nk. Rotinkhaw Hrangchal, Nk. Lorinda Varte, Mr John L. Varte le hlasakthiem dang dang han hla an sak ding bakah Hmar Returnee Association in Condolence Salute hun hmanung an ta, NCC Rayburn in salutation and Parade, Kom, Meitei, TKSU le Hmar Cultural Troupe han lam inentirna an nei ding bakah HMARTOB in Gun Salute hun hmanung an ta, mikholu lien haia inthawk thuhiril ngaihlakna um bawk a tih. Chun, Hmar Martyr's Day inserna ding le inzawm hin Sinlung Royal Riders chun May 16, 2017, 6AM in Sendra a inthawk Saikawt Playground chen in Hmar Martyrs' Tribute Ride nei bawk an tih.

## Cyber Attack râpthlâk takin khawvêl a chawkbuoi Suol thar "Cyber Extortion" hmangin mi pawisa an lâkpêk hlak

WASHINGTON: "Digital India" hnuoia "Internet Banking" le "online transaction" hai hrilmawia internet hmanga sumdâwngna, fakzawngna, inchukna, hrisêlna le politics chen nasa computerised vawng tuma hmalâkna fe mek lain computer khawvêlâ inrunna la rapthlaktak "Massive Cyber attack" chun Zirtawpni a inthawk khan khawvêl a chawkbuoi hne hle.



India thangin khawvêlâ rambung 74 haia company lien tak tak 54, 000 zet chu computer software pakhat "ransomware" an ti, a hming dang "WannaCry" chun Zirtawpni a inthawk khan a computer Operating System hai a suksiet tâwl lein an buoi tâwl hle a. Britain, Indonesia, South Korea, India le Japan-a hospital tamtak le Europe-a Telefon company hai chu an computer hai 'cyber attack' lein a sie a, sin an thaw thei tâwp a, vaibel-

France Car siemtu Renault chun hi cyber attack leia an computer hai siet lein sin an châwl tâwp a, vaibel-

Cyber extortionist hai chun hi "ransomware" hi mihai computer ah thu tha le indik, attachment, job offers, security warnings le file tha tak angin an thawn a. Vawi khat hei click (hawng) a computer-a lut ngêhl, functioning system sukbuoi ngêhl thei a nih. Computer a buoi phaleh pawisa \$300, \$600 dampeka siemthat pêk nâwk (restore) dingin mi pawisa an lakpek hlak. Suiuthai hril dan chun, victim tamtakin digital currency "Bitcoin" hmangin

(CERT-In) chun a hril. "Wavisun khan kan enfela, Andhra police hai system 102, abikin Window Operating system hmanghai chu a chawkbuoi ti kan hmu. Andhra Pradesh chauh buoi naw nih a, mithiem han debug tuma hmanah lak mek laini Thawtanni velah a sietna tak tak hriet thei ni chau a tih" tiin a hril. Security software, antivirus company Avast chun, rambung 99-a computer 57, 000, Russia, Ukraine le Taiwan ah sukbuoi an nih tah niin a hril. China le South Korea ah chu school thenkhat le the university hai a tawkbuoi niin Xinhua chun a hril. A tâwk buoi nasatak chu Britain hospital hai an nih a. Zirtawpni le Inrinni khan an computer hai sin a thaw thei naw lein damnawhai an tirkir vawng a. International shipping company FedEx Corp chun an computer Window Operating System hai suksiet an ni thu le an rang thei anga siemthat an tum thu a hril bawk a. Communication >>>sunzawmna page 4-ah

## Drugs Cell han inruitheih leh pasal pakhat an man

CCPUR: Churachandpur Police-a Drugs Cell le Anti-Alcohol Unit pawl chun zani zantieng 1:00PM vel khan S.I. Shominthang le SI Haolensang of CCPur Police hai inrawinain Mr Langbiakmuan (30), s/o (L) Lalthanlian of Khumujamba chengnaina inthawk Inruitheih Heroin No. 4 le SP thahnedaw tak tak dapdawkin an man. Hi le inzawm hin a neitu Langbiakmuan khawm Drugs Cell pawl hin an man. Inruitheih dapdawka um hai lai hin Heroin No. 4 grams 72 le Spasmo-proxyvon (SP) capsules 1452 a thang. Ei thu dawngnain a hril



danin hieng inruitheih hai par khawina bel (flower pot) hnuoia a thupruk an nih. CCPur Police chun Mr Langbiakmuan hi FIR

## Hepatitis C invawihai a thlawna enkawl ding

IMPHAL: Manipur Health and Family Welfare Minister L. Jayentakumar chun, Manipur-a Hepatitis C natnaa damnawhai a thlawnin enkawl a tih tiin zanikhan a hril. Hi thu hi zanita Hotel Classic Grande, Imphal hmuna Health Department, Manipur State AIDS Control Society, Centre for AIDS Research Education Chennai hai thanguola Hepatitis C le inzawma



programme an huohawt huna L. Jayentakumar in a puonglang a nih. YRGCARE, Chennai chun Hepatitis C a damnawhai chu a

## Inunauna le inlaichinna tha lem a siem thei

IMPHAL: Zanikhan Maharaj Chandrakirti Auditorium, Palace Compound, Imphal-ah 82nd Annual Convention of Manipuri Sahitya Prasat, Imphal nei a nih.

Hi thu hi Education Minister Th. Radheshyam Singh khawm a thang a, Society le Discipline siem thatna dingin literature le Culture hai hi an pawimaw a nih tiin a hril. Chun, Yumnam Kesho Singh memorial Lifetime Achievement Award in Literature, Art & Culture indin ding a ta, hi Award dawng dinga thlang kuomah Rs. 1,00,000, Certificate le Plaque thang a tih tiin a hril.

## CHANCHIN LAKTAWI

### Aadhar Card pelut dingin

CCPUR: Civil Pensionerhai chu May 15, 2017 a inthawk May 31, 2017 chena Aadhar Card Treasury Office, Churachandpur-a pelut ding le Aadhar Card la nei lo hai khawm Biometric thawtu an hung ding a ni lein thla va la dingin District Treasury Officer, Churachandpur chun inhrietirna a siem. Churachandpur District sunghang Civil Pensioners 3500 chuung an uma hril a nih.

### Dist. AIDS Officer dingin Dr Romeo

CCPUR: Upa Dr Romeo Sanate, MHS Grade-III chu District AIDS Officer, CCPur dinga ruot a nih. Dr Romeo hi Zezaw, Singngat-a Sr. Medical Officer sin chel lai a nih.

### Bungheia tawngtai

CCPUR: Division Baptist Dorcas Fellowship, EBC Lamka South Division chun May 20, 2017, 7AM a inthawk khin EBCC Mata hmuna bungheia tawngtairuol na nei an tum. Chun, zanikhan Evangelical Baptist Convention hnuoia Lamka Division pahni EBC Lamka North Division le EBC Lamka South Division han Kohran upa le thuoitu hai ta dingin Discipleship Seminar an nei.

## Neighbourhood Youth Parliament on Skill Development



CCPUR: May 13, 2017, 10:30AM khan Saikot Youth Club hall, CCPur hmuna Nehru Yuva Kendra (NYK), CCPur huohawtnain Block Level Neighbourhood Youth Parliament on Skill Development nei a nih. Programme hi Miss Noel Zothapui, NYV, NYK in a keihruoi a, Pastor Lalropuia, PCI Saikawt in tawngna hun hawngna a nei a, Master Th. Dunmu-

lal Simte, NYV, NYK in welcome Address a hril a, H. Doungel, NYC, NYK, CCPur in thuhirilna hun a hmanung bawk. Hi huna Resource person ding a thang theinaw a, ama aini Rev. Dr V. Langhakthang a Resource person in a thang. Hun hmanung hi Lalboi Haokip, Manager, Canara Bank in a uop bawk.

## MPSC Chairman le Member ding

IMPHAL: Manipur Governor chun Constitution Article 316 hnuoiah Lt. Gen. Kansom Himalay Singh (Retd) chu Chairman, Manipur Public Service Commission (MPSC) dinga ruotna Order May 12, 2017 khan Commissioner (DP), Govt. of Manipur in an suo. Order dungzui hin MPSC Chairman sin kum 6 sung annawleh kum 62 a tling chen a chel ding a nih. Chun, W.L. Hangsh-

ing, IAS, Additional Chief Secretary, Govt. of Manipur le Jason Shimray, IAS, Commissioner, Govt of Manipur hai chu Member, MPSC dingin a ruot bawk. Hieng IAS Officer hai hi MPSC member dinga ruot an ni le inzawm an sin haia inthawk inchwiltir ngêhl an ni a, MPSC member sin hi kum 6 sung annawleh kum 62 an tling hun a hmasa lem lem chen MPSC Member sin hi chel an tih.

## IFCD& YAS minister in a va sir

IMPHAL: Zanikhan IFCD & Youth Affairs and Sports (YAS) minister Letpao Haokip chun Chandel District a pallel hmuna Trauma Centre bawlna ding hmun, DSA, Kakching Ground, Tribal Museum, Aihang le Kakch-

ing A/C sunga Vadung kam ngirhmun hai chu a hmun ngeiah a va sir a, thil undan a va enfel. Letpao Haokip hi Molnoi Area Welfare Council, Pallel Molnoi chun a minister kai lawpuina inkhawm an lo buotsai.

## STC BSF le SLIDE in Hospital sung an inthiefai

CCPUR: Muolkoi a um STC BSF le Society for Lamka Integrated Development Initiative (SLIDE) pawl chun May 13, 2017, 10AM a inthawk khan District Hospital huongsung inthiefaina sin an tahw. BSF hai hi SR Ojha, IPS, IG STC, BSF, CCPur in an rawi. Swachh Bharat Mission hnuoia District hospital campus inthiefaina sin hi an thaw a nih. Hospital huongsung le compound



hai an inthiefai baka hin thingkak phunna an nei bawk a nih. SR Ojha chun District Hospital ward tum tum hai khawm a fangkuol a, hi huna hin Dr T. Nengkhamang, Dy. Medical

Suptd, Dist. Hospital in a zui a, STC BSF in district hospital campus inthiefaina sin an hung thawna thuah Hospital management Committee chu an chungah a lawm hle thu a hril. Hospital-a um damnaw le damnaw kantu hai chu hmunnawk dengthang mei mei lova, Hospital thienghlimna dinga thlawp dingin ngenna a siem.

## VPC Block election

CCPUR: Vaiphei Peoples Council (VPC) GHQ inrawinain May 13, 2017 khan VPC Blocks 3 haia kum 2017-2020 inkar sunga Block thuoitu ding thlangna an nei. Lingsiphai Block a Chairman dingin Upa Nengtingen, VC in Upa Nengsuantlang; Sangaikot -ah Chairman Seikholon Baite le VC in Mangcha Baite; Imphal VPC Block Chairman din Letsei Vaiphei le VC in Hentinhau hai thlangting an nih.

## May 15-ah Peoples Day

IMPHAL: Chief Minister Secretariat, Imphal hmuna "Meeyamgi Numit" (Peoples Day) hmasa tak hmanung chu State sawrkarin a sukfel vawng tah. Tuta hma deu khan CM N. Biren Singh chun thla tin tarik ni 15 chu People's Day ni dingin a lo puong ta a nih. CM chu hi ni 10AM-

4PM inkar sungin a nuom taphawtin inhmupui thei an ta, an mamaw le harsatnaha intlung thei an tih. HI ni hin Ministers, Parliamentary Secretaries, DCs, SDOs, Head of Departments etc hai chu an Office sengah a nuom taphawtin van hmupui thei bawk an tih.

## Tripura in Mizoram tribals 32,000 kuomah Aadhar Cards a pek ding

AGARTALA: Tripura a refugee camps hran hran 7-a thang 2 (kum 20) laizet lo cheng tah Mizoram tribals 32,000 chuong hai kuomah Tripura sawrkarin Aadhar Card a pek ding niin zanita official thusuok chun a hril. Home Ministry chun hieng refugee camps a um Bru tribals hai kuomah Aadhar Card pe dingin a hung inhrietir niin Tripura

Relief and Revenue Department official thusuok chun a hril a, hi le inzawma thla lakna chu kar thar khin tan ni dingin a hril bawk. A hmasa takin students hai kuomah Aadhar number hi pek phawt ning an ta, chu zoah puitting hai kuomah Aadhar pekna hi sunzawm pe ning a tih tiin Kanchanpur Sub-Divisional Magistrate Santosh Deb chun a hril.

VAWISUN THUPUI

Naupanghai, Lalpaa chun in nu le pahai thu zawm ro, chuchu thil indik a ni si a: "I nu le pa chawimawi rawh," (chuchu thupek tiem nei hmasak tak a nih.) "Chuongchun i ta dingin thngang a ta, hnuoiah damsawt bawk i tih.  
- Efesi 6:1

Editorial  
Nu Tha

Ram le hnam a hung changkang ang peiin mihriemhai hltuna khawm ei inhrietuo pei a. Chuongang bawkin nu le pa hai hlutzie khawm ei hung hriet pei a. Mother's Day le Fathers Day hai khawm ei hung hmgang uorin ei hlutsak taw l hle. Vawisun khawm hin khawvel pumpuiah Mothers Day ei hmgang tawl ding a nih. Kohran pawl hran hran hai khawmin "Mothers Day" programme hi a hranpa lieuin ei hmgang tawl ta a nih. Mother's Day ei hmgang dan ruok chu Krismas le Kum Thar lawm ei hmgang dan an ang tawnaw ang bawkin Kohran pawl hran hran le rambang tum tum haia hmgang dan chu an ang naw nuol ring a um. Ieng Day khawm hmgang inla, a tul le a pawimaw tak chu ei lungiril hi a nih. Lungiril thienghlim taka hmgang hi a pawimaw hle bawk.

Pasal le nuhmei hi ei taksa hrat dan an ang naw hle ti ei hriet seng. Nuhmei vantlang nekin pasal vantlang hai an hran lem a nih ti khawm ei inphat ring a um nawh. United States a Department of Labour sut dan chun nuhmei vantlang hin pasal vantlang tha chanve neka tam met chau tha an nei niin an sui a, an dik thawkkhat ring a um. Taksa tha hratia inthlau hle sienkhawm lungiril hratia tieng ruok chu a danglam chuongnaw niin an hril bawk. Pasal neka lungiril hrat le var lem hi nuhmei hai tam tak an um bawk. Hi lei hin pasal han nuhmei mei mei ti tawngbau hi hmgang rawp chi niin an lang nawh.

Khawvelin a mamawhai lai Nu Tha hi a thngasa a nih. Vawisun hin a Mothers Day el chau ni lovin nuhai po poin "Nu tha ka ni am?" ti hi chik takin ngaituo thar seng inla nuom a um. Khawvela Evangelist ropui le hmgangthang tak pawl D.L. Moody chun. "Nu po hi ka nu ang ni wawng hai sienla chu khawvela hin lungin a um tul naw nih" tiin a hril. Hi taka inthaw khawm hin khawvelin Nu Tha a mamawzie chieng takin anlang. Nuhai hi nauhai enkaw sealientu le khlawk tam tak an ni a, hi lei hin nuhai zie hi nau han an lak tam lem hlak. Mithiemhai chun nuhmei hai chi hi a tak lem lein hmehlah khawm Nuhai an suon lem deu pei hlak bakah chi inthlasawngna chu a thngange hrim hrim a, chuongang chu nuhmei an hau lem a, chuleiin nuhmei tha hi an hlu ta em em el a nih tiin an hril. Chun, Nu tha ni ding chun nunghak laia inthawka nunghak tha ni a hung ngai a, hi lei hin khawvel hin nunghak tha tam tak a sersuok a tul a nih.

Nu tha chun a nauhai chu an hung seilien a, mi themtlaw, mi inzapuoin an hung ni el nawna dingin an chuktur, mihriem hringnuna thil tul chi hran hran hai an themtir a, nundan le thil kalmanghai a dang hlak. Hi lei hin umpui neiha khawma nuhmei thaw ding chi hai hrim hrim chu inchuk ve ngei ngei chi a nih. Lekha inchuk le lekhatiem ka nih ti lei ringawta insunga nuhmei sin bika ngaihai hi ngaita el chi a ni nawh. Thil hotea ngai busep le hmupnith dan hai chen khawm hi nuhmei ni chun them ngei ngei ding a nih.

Hnam indin thar a, Society inhawi le tha siem ding chun pasalhai chu pawimaw ve tho hai sienkhawm, nuhmei an pawimaw зуол а, Nu tha ei mamaw a, chu ding chun nunghak tha ei sersuok tam a ngai nawk a, Nunghak nun thienghlim, Pathien inza le ti mi, mi taima le kalhmang hrie ei mamaw a, tuhin chuongang mi chu nei tho inlakhawm ei ram le ei hnamin tuta neka tam hi a mamaw a nih.

Chun, tulafia ei hnamin a mamaw pakhat chu khawtlang le khawsak rama nuhmei hai inchei dan ang neka Puonbi ngaiha a nih. Hnam nun ngeth le belchiengdawl indin le a tha zawng hnam fe dan herdik ding hin Nu tha hi ieng hnam khawmin an mamaw a nih. Pasalhai hi an huaisen a, tlawm an ngai thei a, an hratin nuhmei hai hi an duot em em a. Nisienlakhawm anni khawm hin duot inhawi an ti ve a nih ti hi nuhai chun an hriet thar le an theinghil der lo ding a nih. Mothers Day hi Nuhai chawimawina ni chawu hmgang lova sungkuo, hnam le ram siem thatna Ni khawma hmanga thei inla nuom a um. Chuong a hung ni chun ei Mothers Day hmanga hi a hung hlakwin a hung tangkai зуол ring a nih.

ALL INDIA RADIO- CHURACHANDPUR PROGRAMME

Date: May 13, 2017 (Inriini)

TRANSMISSION- FM-101.4 Megahertz

Hours	Studio/	Programme
4.53pm	CR/P	Signature
4.55pm	P	Vande Mataram, Time Reading, Opening Announcement
5.00pm	P	Hymns to God : (WVM) collection
5.05pm	P	Local Announcement/Prog. Summary
5.10pm	P	Minor Dialect (Gangte): Ellen Lunniang Gangte & party
5.25pm	P	Western Music: Hill songs
5.30pm	P	PAITE Prog, Sig, Tune & Announcement Announcer: Ngaibiakun 1) Lamka North Division Choir, EBCC (dev)
6.00pm	P	HMAR Prog., sig, Tune & Announcement Announcer: Lallawmsang 1) Rengkali EAC, KTP 2) Mothers day message: Rev. Dr Vanlainhaktang
7:00PM	P	THADOU Prog., sig, Tune & Announcement Announcer: Saikhopao 1) Pazangul & party (dev)
		Farm & Home: Paite 1. Thanghmingliani & party (dev)

Editorial Board

Lalmalsawm Sellate: Editor & Publisher

Roding L. Sellate: Jt. Editor

Joseph Joute: Freelance

Lalsansuok Pulamte &

Samuel Zothangliani@SZ Zote: Sports

Lalruotlien Dulien: Computer Assistant

Edited & Published by Lalmalsawm Sellate at HT Office,

Lighthouse Lane, Churachandpur and Printed by him at Lamka

Super Printer, Vengnuam, Hiangtam Lamka, CCPur, Manipur.

RUL SENG LO BAT

Ziektu: H.Zate, Hmar Run

Naupang leng chun an ina mei var liet liet chu enim a fe pei a, in a tlung a, kawt a hei hawng tawm chun, ' Nu' tia a nu ko hmasain inah a lut hlak! Zohnathlakhai laiah hin chu, 'Nu in zal tah maw?' ti am anih bek hril lova mani ina lut hlak hi an um kher ka ring nawh. Nu chun a nau fena a hriet a, a n'nlawi hun ding chena nghakin, a n'nlawi a, a zal pha leh ngaingam takin a zal ve hlak. Nu hi nau ta dingin thlamuonnga a ni a, inngatna niin, hlimna le hnemtu a ni bawk hlak. Bishop Thomson chun hi thil hi a hrietchieng em lein, " 'Nu' ti thumalh hin lungiril hlimna iengzat tak am a inphum ding aw?" tiin indawna le thu a lo saksuok hiel reng a nih.

Naute ta ding lem hin chu thlamuonnga an va hei ni chieng de aw! Nu kut chela naute thlamuonng taka a in hlak hin nau ta dinga nu hlutzie a suklang ve awm ie!

Nuhmei chun a sungkuo maksanin, sungkuo dang a zawm a, a ta ding ni lo, mi nau ding nei dingin a pasal a pawm a, a nunghakna inhlanin, a hnam, a nina a iengkim inhlanin a pasal a pawm hlak. Chu nuhmei, Nunghak chun nau hung neiin nupui a hung nia, 'Nu' tia ko a hung ni chun a theina le a hratia nu po chu a sungkuo, a pasal le a nau ta dingin a inhlan a. An ta dingin a nun pum a hmgang a, sungkuo tha a indin hlak a nih. 'Nuhmei var chun a in chu a bawl a, Nuhmei invet ruok chun a kuthain a thiek hlak.' Thuvarhai 14:1 (Bible, BFTW) ti thu bible ah ei hmu a. Pa hi sungkuo tha neitu ni sienkhawm, sungkuo indintu tak chu Nu hi a nih. Hi lei hi annawm, William Carey khawma, 'Sungkuo hlimna chabi kawltu chu nu a nih.' a lo ti a. Sungkaw inhawi le inhawi naw chu nu a fel le fel naw a inthawkin an lo inkhi hlak.

Hieng ang lawma Nu hi Sungkuo a pawimaw lei hin nu ta ding khawm hin Sungkuo hi a pawimaw naw thei wawh. Sungkuo hi a lalram le a mawina a ni a. Nu fel le thain a enkawhl sungkuo chu a n'nhawi a, sungkuo inhawi chu nauhai ta dingin Paradis a ni hlak. Nu tha nawin a enkawhl sungkuo chu a kaw i a, mi hmusit a ni chang a tam. Nu thngang naw sungkuo lem chu a khingbai a, hi lei hi annawm, Kohran rawngbawltu tam tak, nuhmei chan ta khawm nuhmei an ngaituo pek rawp hlak. Hieng lawma nu ta dinga sungkuo le a nauhai enkawhl a pawimaw lei hin, R.A Torrey chun, 'Nuhmei ta dingin nu indik tak ni tluka sin inzaum khawvelah a um nawh.' a lo ti hiel a nih. Nauhai mawina chu nu ta dingin chawimawina ani a, nau nuhmei hmingthatna chu Nu ta dingin ruollaia hmai-uong taka siemtu a ni a. chu ang bawkin, Nau hai hmingsietna chu nu ta dingin muolphona a ni a, a ropuina sukhnamwtu a nih.

Nu tha hin sungkuo chau ni lovin khawtlang a keithuoi thei a, khawtlang el khawm ni lovin hnam khawm a keithuoi thei a nih. Nuin a nauhai a bieknaw tawng pei chu a nauhaiin an hung hmang a, an lungriela ngeth tak khawm a ni hlak. NU inchtukirma baka nau ta dinga inghatna le a lungiril hnetu a um nawh a. Nu tha inchtukirma chun nau tha siemin, sungkuo tha a siem a, chu sungkuo tha chun khawtlang tha a siem a, chu khawtlang chun hnam tha a hung insuo nawk hlak.

NÛ HAI NI (MOTHER'S DAY)

- Jr Amo

Mother's Day ti hi ei tawng ni naw sienkhawm a hrethiem naw ei um ring a um naw a. Ei tawnga ei hang inletsuok tum chun Nû hai Ni, ti inla khawm a suol lien taluo ring a um nawh. Nû hai ta ding bik lieua ni ser pawimaw lo um ta hi sungkuo a inkhat nu in chawimawia a phu zie, nu hai hi chawimawia tlak an ni zie ti a lo suklang tumna a ni tak. America rama chu Nû hai ni hi hi kum zabi 20-na bul tiengpang khan hmang tan a ni a. A then dang dang hai le khawvel ram dang dang hai Nû hai ni inser dan hi an ang nawna tam tak a um ve tho a nih.

Tulafia ei ihmang nek Nû hai ni hi kum 1908 a hmang le inser tan tah a lo ni a. Ei hrietlar em em Anna Jarvis in St Andrew's Methodist Church, Grafton, West Virginia hmuna a nu a hmangai le a ngai em em hrietzingna hun a hmang tana inthawka vawisuna Nû hai ni ei ihmang nek hi hung insieng tan a lo nih.

Kum 1905 kham Anna Jarvis hin America rama Nû hai ni hmang a ni theina dingin thngang lak tan a, hi kum hi a nu Ann Reeves Jarvis a thi kum a ni bawk. Anna hi Peace activist a ni a, American Civil War hun lai khawm khingtieng khingtienga sipai hliem hai enkawltuin a thngang a, hriselna thua vantlang hrieta thngang lain Mother's Day Work Clubs khawm andin ngeth ngeth.

Anna hin a nû sin bangkhai sunzawma a thei ang ang a nû chawimawie le nu hai ta ding bik ni pawimaw sersuok chu a nuom hle. Asanchu, khawvela hin nû hai baka mi ihmangaitu le ei ta dinga inrim hi an um nawh ti a hrietchieng thlat lei a nih.

Kum 1908 kham US Congress chun Mother's Day official holiday a hmang dinga hmuna chu a hnawl a, an hnawl nasan hi fiemthawin Mother-in-law's Day hmang tul ve pal a ti an ti nih. Amuruokchu, Anna Jarvis thngang lak tawp naw na zarin kum 1911 kham US state po chu hin hi ni hi chawl (Holiday) in an hmang tawl tah a. A hmang hmasatak tu chu Anna hai khang West Virginia an nih. Chuong chun, kum 1914 a hung ni chun Woodrow Wilson (US President) chun Mother's Day chu Nû hai inza le chawimawina ni a hmang dingin National Holiday dinga puongin suoi a kei tah a nih.

Mother's Day hmang dingin nawr hlautling sienkhawm Anna chu Mother's Day hmang a hung ni pei dana (Thuum samdawnnga) chun a lunginaw a. Kum 1920 kum bul tieng chun Hallmark Cards le company dang hai chun Mother's Day card an hung zawrsuok a. Chu chu Anna chun Mother's Day hmang dan ding annaw ziet le an manfuk naw niin a hriet a, Mother's Day thiltum tak a suksiet niin a ngai. Hieng thil lei hin Mother's Day chu ama veikin boycott a thaw nawka, company card zawrtu hai chu a hek ding tiin a vau bawk a nih.

Anna chun mihriem hai hin gift le card siem sa hai inchw lov in nû hai hmangai zie le chawimawina chu kutziek ngein an suklang ding a nih tiin ngaidan a nei tlat a. Hieng ang card a samdawnnga hai hin Anna a suk lungsen hle a, jail a chen intang pha na a hmang hiel a nih.

Kum 1912 chun Anna chun Mother's Day chu May thla kar hnina Pathienni a hmang dingin a rem tha a, chu ruol ruol chun Mother's Day International Association andin a. Mother's Day tia a lam le ziekt dana hin "Mother's" ti hi singular a ziekt a, sungkuo tinin khawvela nu hai po po ti zawng ni lova inkhatnu an chawimawie seng theina ding a ditna lein chiengtakin hrilfienna a siem sa bawk a nih.

Tuhin hi ni ser pawimaw tak el hi rambung dang dang (Khawvel pumpui ti thei hielin) haiin an inser deu seng ta a nih.

A tarik ti bika ziekt dingin May thla kar hnina Pathienni a ni pei lein a tarik hi hmang hun huna mi bak hi ziektlang a remchang naw nih.

Nû hai ni hi a pawimaw khawpel a. Ngaidan le dit dan tam tak el inanglo a um, indik tak tak el an ni seng. Nû nei ta lo hai ta dingin a chanhai tlak hle ding a nih ti hai khawm a tam. Amuruokchu, Nû chu a lo um CPur a ni

Hi lei hin Pu George Herbert chun, 'Nu tha pakhat hin zirtirtu 100 a hen/tluk a nih!' a lo ti hiel reng a nih.

Nu hmangaina chun chan a huom a, a nau ta dingin tam le nat tuor a n'nuom hlak. Nu chun a nau hlimna a ni ding phawt chun a ma a nat lem khawm a thlang a. A nau beiseina sukhringtu a ni ding phawt chun, beiseina le suongtuona a lo nei po po hnawlin a nau ta dingin a inhlan hlak a. Nau ta dinga bel ngam niin, harsatna intlunna tak a ni hlak. Pa kuoma an hril ngam naw tam tak hi nu kuomah hrilin, nuhmei ta ding lem chun nu hi an ruol tha niin, an lungiril iengkim an hrilna a ni a. Nu le naunu inngei baka tha a um nawh. 'Nu var chun a nau mani inveng dan a n'chtukir a, nu invet ruok chun a veng hlak!' (H.Zate) Nu tam takin an nauhai an veng a, an veng seng naw tam tak an um a. Nu thenkhat ruok chun an nauhai mani inveng dan an inchtukir a, khawlai hmunah khawm um hai sien an ni an inveng el ta hlak. D.L Moody chun, 'Khawvela nu po po hi ka nu ang nihai sien lung in ngai naw ni!' tiin a nu thngang le a nu inchtukirma leia a tlung ding chen tlung a, a ni ding ang ni thei a ni zie a hril.

Napoleon Bonaparte, Khawvel roreltu, France sipai hrat khawkheng meu khawmin, 'Nu thngang nau chun khawvel hi thlaler ram tawl, tui um nawna ng a nih.' tiin Nuhai pawimaw zie a hril a. A nu leia khawvelin a hriet khawpa mi ropui ni thei a ni zie a hriel hiel a nih.

Nuhai hi sungkuo inghatna lungphum an nih. Nu thngang nau chun sungkuo a buoi a, a kim nawin a ruok huoi hlak!

NU hmangaina le inchtukirma hi nauhai ta dingin nu thuoitu a nia, Nu a pawimaw em lei hin Spain Thuvar chun, 'Puithiem zakuo fuol nekin nu puonbil hmawr inek khawm a hlu lem!' lo tiin, puithiem ropui tak tak nekin nu tlawm tak inchtukirma hlu lem zie a suklang a nih.

Khawvel ram ropui, Khawvelin Pa ena a en a President, Sal insuona dar vuotu, Pu Abraham Lincoln chun, 'Ka bat hi tlak ding ni lang, kanu laka ka bat hi ka huphr tak.' a lo ti a. Nu ropui zie le hlutzie a hriet chieng hle a nih. Hi hmangaina, nu hmangaina ngei hi khawvel nau po po ta dinga rul seng naw bat chu a ni a. Nu nei ta phawt ta ding chun, nu hmangaina, rul seng naw bat hi rul seng nau ding nisien khawm a tlawmte bek lo peklet ve thei a ni tak duoinn tia hmangai let ve hi ei bat a nih.

E.H Chaplin meuvin, 'Nu hmangaihna thilthawtheizie hi ieng tawng khawmin a hrielife zo nawh.' a lo ti lei khawm ni lovin, nu hmangaina thil thawtheizie le nu hmangaina le a pawimawna hi chu hrila fie zo chi a ni nawh. Nuhai hi an ropui a, nu hmangaina tluka inthuk le ropui a um nawh. Hi nuhai hmangaina ngei hi a nih

'Rul seng lo bat', khawvelin a nei chuh!

Nu po po, Nuhai Ni chibai le!



12 May 2017 | Guwahati

MSS Officers 55 hai sin chel sawidanglam

IMPHAL: Manipur sawrkar chun Manipur Secretariat Service (MSS) Officers 55 hai sin chel chu a hnuoia ang hin sawidanglam.

1. Thangkaplian, DP chu Hr. Education and YAS
2. Manching Ngaigte, Family Welfare as Tourism
3. L. Yaomila, FD (Resource) as Social Welfare
4. Chongkhomang Singait, Vety & AH as YAS
5. V. Silas, RD & PR as Family Welfare
6. M. Ramthlinga, Minor Irrigation as Law
7. Rubert Shaiza, Education-S as Commerce & Industries
8. M. Lunglen, Home as Sericulture
9. Ch. Tombisana Singh, FD (PIC) as GAD (Record & Libr.)
10. Vejia Kipgen, TA & Hills as MOBC
11. S. Modhuchandra Singh, Cooperation as Sc & Tech.
12. L.D. Daikhuapao, TA & Hills as Revenue & Adult Edn.
13. Luioching Yuhlung, Power as Higher & Tech. Education
14. P. Adamang, Revenue as Minor Irrigation
15. Cineraria Lungleng, Forest & Envnt. As Pension Cell
16. Graceson Jajo, Labour as Health
17. S. Rajen Singh, DP as GAD (Establishment)
18. L. Haridash Singh, SCERT & Adult Education as Hills
19. L. Monorama Devi, Horticulture as Agriculture
20. M.K Ayao, Vigilance as Eco & Stats and SCERT
21. Smt. N. Gachui, GAD (Record & Lib.) as Relief and DM
22. Mangoljao Kamei, Revenue as Works & IPR
23. J.D. ruriochim Chiru, Pension Cell as Art & Culture
24. Smt. N. Birohini Devi, GAD (Accounts) as Vety & AH
25. S. Swaruparani Devi, IPR as Revenue
26. L. Bijaya Devi, A&C (Utilised in pension Cell) as AR and Forst & Environment
27. A.S. Timothy, TA & Hills as MAHUD
28. Smt. Gouzavung, FD (Expenditure) as GAD (Welfare)
29. Smt Francis, GAD/Welfare as IFCD
30. Zangthlinga Ruivah, Sc & Tech ash Co-operation
31. L. Sekhophao Khongsai, Home as PHED
32. N. Kiramala Devi, Eco & Stats as Vigilance
33. Kazing Tumthao, Works as Home
34. Sh. Tombimacha Devi, AR as CADA, Hills & Fisheries
35. N. Pretima, Agriculture & CADA as Horti & Soil Cons.
36. Chongbot Haokip, YAS as Finance (Resource)
37. Asem Rangina Chanu, Power as Education-S
38. A. Heera Singh, FD (Budget) as DP
39. Sunanda Thokchom, FD (PIC) as GAD (Accounts)
40. Roshan Sapam, GAD (Est)/ACR/Cabinet as Cabinet & CM Sectt.
41. Ayekpam Dayananda Singh, MOBC & RD & PR as Fin. (Expend)
42. M.Chinglambi Luwang, DP & MTU as FD (PIC) & ACR Cell
43. Orjubala Haorongbam, YAS as Power
44. R.A. Ransing, FD (Exp) as DP
45. T. Vei, Transport as CAF & PD
46. Zorising Thiek Pangote, CAF & PD as Transport
47. Anthony Mangkhotang Haokip, IFCD as Home
48. Vaireiwung Khongreingam, Relief & DM as FD (PIC) & Pension Cell
49. Taitom Thangliansiam, Health as DP and Labour & Employ.
50. Kongsam Nalini Devi, Social Welfare as DP
51. Md. Ismat Khan, MAHUD as Hills/Tribal Development
52. Henry Alemo Francis, THE (Utilised in MTU) as Power
53. Thongkhomang Khongsai, PHED & Hills as Finance (Expend.)
54. Koshoni Phimu, Fisheries & Tourism as RD & PR
55. Th. Bedajit Singh, DP as Finance (Budget).

ULFA(I) in cadre thar an la laktut zing: DGP

TEZPUR: Danpuoa hnawl ULFA-I chun Assam state sunga hmum tum tuma inthawk cadre ding an la laktut thar zing niin Director General of Police Mukesh Sahay chun zani hmasa khan a hril. Hi thu hi zani hmasa Army 4 Corps Headquarter hmuna high-level security meet- ing zoa chanchinbumihai kuoma a hril a nih.  
May 26, 2017 nia India Prime Minister Narendra Modi Assam a hung inzin ding leiin Assam state sunga chun security sukkhau зуол a ni bakah helpawl hai tukdawlna dingin operation ngawr taka thaw zing a nih. (AT)

Kangmei suokin In 29 a kang

ITANAGAR: Arunachal Pradesh- a Siang district sunga Kerang village a chun zani hmasa khan kangmei nasa tak a suok a, In 29 zet a kangsiet vawng. Tar pakhat a hliem met tinaw chu hi kangmei suok leia thina tuok an um nawh. Electric fesuoel leia kangmei hi suok ni dinga ring a nih. (Agencies)

**LAKTAWI**

**Kashmir student tha taka enkawl dingin a hril**

CHANDIGARH: Home Minister Rajnath Singh in-ravinain zani hmasa khan Chandigarh hmuna North-ern Zonal Council meeting nei a ni a. Hi huna hin Northern States hai chu an state sunga um Kashmiri students hai tha tak le inza taka enkawl dingin an fui tawl. Zonal Council meeting-a hin Chief Ministers, Ministers le Chief Secretaries hai an thang tawl a nih. Kashmir-a inthawk Kanyakumari chenin India thalai hai chu ei nauhai an ni leiin tha taka ei enkawl ding an nih tiin Home Minister chun a hril bawk. (ENS)

**TMC leader bomb hmanga that**

BAHARMPUR: Murshidabad district-a chun zani hmasa zan dar 9 vel khan Trinamool Congress leader Ashadul Sheikh chu bomb hmanga bei le silaia wawili zet kap a ni leiin damzo lovin a thi. Hi thil hi Barhampur Police station huopsunga Bhakuri hmuna tung a nih. Hi thil tung le inzawm hin Police chun mi 4 an man a, anni laia pakhat chu Congress leader Shiladitya Halder a nih. May 14, 2017 nia Domkol municipal election um ding le inzawma hienggang thil hi tung ni dinga ring a nih. (PTI)

**Sonia Hospital-a inthawk a suok**

NEW DELHI: May 9, 2017 a inthawk Sir Ganga Ram Hospital-a admit le enkawla um Congress President Sonia Gandhi chu Zirtawpni zantieng dar 7 khan hospital inthawk a suok ta niin hospital Managing Board chairman D.S. Rana chun a hril.

Ms Sonia Gandhi hi August 3, 2017 khan Varanasi hmuna election rally hunah khawsik le dehydration leiin hospital admit a lo ni ta bakah a dar wawitieng operation thaw lo nita a nih. (IANS)

**Hurriyat leaders hai khaihlum dingin a vau**

SRINAGAR: Kashmir-a Hizbul Mujahideen chief Zakir Rashid @ Zakir Moosa chun, Kashmir chungthu hi political a ninaw a, "Islamic movement" a nih tiin zani hmasa khan a hril a, an movement fepui le Shariah implement na kawnga lam-pui hluo an ni chun Lal Chowk khawpuiah Hurriyat leaders hai chu khaihlum an ni ding thu a hril. (ENS)

**Assam, J&K le Meghalaya haiah Aadhar tanti ni lo**

NEW DELHI: Revenue Department chun Assam, Jammu and Kashmir le Meghalaya state haia kum 80 le a chungtieng hai chu Aadhar le PAN Card thlungzawm le Income Tax Returns (ITR) file tanti a ninaw thu a hril. Hi thu hi PAN card lakna dinga Aadhar lo thei lo dinga hril le ITR file ngei ngei dinga tina thua chona um, Supreme Court-a pending-a um mek le inzawma Notification insuo a nih. (PTI)

**Sex thila nuhmei sawksaktua intum Pastor damsung intang dingin**

THRISSUR: Kum 35-a upa Pastor Sanil K. James chu Peechi Biekin hmuna nuhmei naupang kum 13 mi sex thila sawisaka intumna le inzawmin zanikhan Thriissur (Protection of Children from Sexual Offences-POCSO) Special Sessions Court Judge Nixon M Joseph chun a

damsung hun po rinsi taka lungin intang ding le fine Rs. 50,000 chawo dingin a chungthu a rel. Sunil K. James hin nuhmei naupang hi kum 2013-15 inkar sung Peechi Salvation Army Church-ah sex thilaha a lo sukbuoi niin Special Prosecutor Pious Mathew chun a hril.

Hi thil hi nuhmei naupang an school teacher kuomah a hril hnunga hrietsuoka hung um le Peechi Police han case an registered hnunga Sunil K. James hi an man a nih. K. James hi kum 40 sung hi case bawkah jail intang dinga Central Prison-a intang mek a nih. (PTI)

**Transgender class XII pass hmasatak in Doctor ni a nuom**



CHENNAI: Tamil Nadu Higher Secondary Exam 2017 result puong a chun pasala-a inthawk nuhmeia insiem (transgender) Tarika chun marks 537 hmuin

hlawtlingna a chang. Ms Tarika hi transgender Class XII pass hmasa tak nia hriet a nih. Tarika hi an nauu pasal 4 hai laia a naupang tak a ni

a, sienkhawm a nauu pasal hai ang a ni nauw ti an hriet a, nuhmei anga inthuom a nuom in inhawi a ti ngainaw a. Pasal nisia nuhmei anga um nuomma a nei tlat lei hin enhran a hlaw nasa hle hlak a. Enhrang nia inhrietna a nei leiin kum 2013 khan Thoothukudi district-a an ina inthawk a tlanhmang a, Chennai hmuna transgender activist Grace Banu in a nau dinga laa a enkawl a nih. Tarika hi tuhin kum 22 mi a nitah. (TNN)

**WB-ah Municipal 7 haia inthlangna vawisun**

KOLKATA: West Bengal-a chun Darjeeling Hills-a 4 thangan Municipalities 7 haia inthlangna May 14, 2017 hin nei ning a thi.

Municipal inthlangna neina ding hai chu- Darjeeling, Kurseong, Kalim-

pong, Mirik Notified Area Authority; Domkal-a Murshidabad; Pujali, South 24-Parganas le Raiganj, North Dinajpur hai an nih. Darjeeling district-a inbeituo ding tak chu TMC le GNLf alliance le Gorkha

**LoC-ah Pakistan silai kap leiin mi 2 an thi**

JAMMU: Jammu and Kashmir-a Rajouri district sung Line of Control (LoC) a chun zanikhan Pakistan army han mortar le automatic silai hai hmanga an hung kap nauw leiin mi 2 in thina an tuok bakah midang 3 in hiemna an tuok. India sipai hai khawmin nasa takin an kaplet ve leiin hi thu ei sut chena

khawm hin LoC-ah silai a la puok zing niin Lt. Col Manish Mehta chun a hril. Tulai hnaia Pakistan sipai han ceasefire bawse-a nitin deuthawa silai an hung kap lei hin LoC le a se vela khawper haia mi-hriem cheng 100 chungwa hai chu hmun himna hmuna insawntir an nih. Pakistan

sipai hai hin Jangarh, Bhawan le Laam belts hai an hung kap deu taka hril a nih. Pakistan le India hin November, 2003 a inthawka kha LoC a inkapchawl (ceasefire) an lo puong a ni a, sienkhawm an khat-tawkin ceasefire bawsein ramria hin inkaptuona a tung deu zing a nih. (PTI)

**GHADC seats 40 a sukpong dan a ngaituo**

SHILLONG: Sawrkar thlungpui chun GHADC seats umzat tuta 30 ni mek chu 40 a sukpong a ni theina dingin Sixth Schedule of the Constitution siemthat (amend) dan a ngaituo mek a nih tiin Meghalaya District Council Affairs minis-

ter Prestone Tynsong chun zani hmasa khan a hril. ANVC chun tuta hma khan members 40 laia 35 hai chu mipuiin an thlang ding, seat dang pahni chu ANVC members hai ta ding, seat dang 2 chu Nokmas (traditional heads) hai nominate

ding le nuhmei pakhat nominate dingin rawna lo siem a nih. ANVC Settlement hin Autonomous district council dang pahni - KHADC le JHADC haiah khawm impact a hung nei ding a nih tiin Tynsong chun a hril. (ST)

**US-in \$100 Billion Man Ralthuom S. Arabia Kuomah**

WASHINGTON: United States of America chun Saudi Arabia-in a ralthuom sukhangkang a tumna le inzawmin, ralthuom chi hran hran le a maintain-na ding thil \$100 billion man inchawktir a tum niin White House thusok chun Reuters a hril.



Hi thil hi kar thara President Donald Trump foreign an zinna hma Saudi Arabia a sir tumna sukfel ding nia hril a nih. America chun a ruoltha Israel military a thiemna en zing pumin, Saudi Arabia-in kum sawm sanga \$300 billion manhu vel ralthuom an chawktir theina dingin May 19-a President Trump Saudi Arabia an zin khin inremna an ziek ding

niin hmung suklang nuom lo White House official pakhat chun a hril. President Donald Trump chun, President a ni hnunga a hmasatakna dingin rambung hran hran sir dingin kar thar sung khin inzina a tum a. Abikin Middle East rambunghai a sir a

ta. Riyadh, Saudi Arabia khawpui sir hmasatak a th. "Ralthuom sawrna dinga inremna tha tak siem thei dingin iengkim peifel wawng an tah" tiin a hril a. Amiruokchu, ieng ang ralthuom char am a na an chawktir ding ti ruok chu a hril nauw.

**North Korea US le Inbiek A Nuom**



PHONGYANG: North Korea diplomat pakhat, US le inlaichinna thu enkaitu bik chun, "boruokin a zir pei" chun North Korea chu US leh inbiekna nei a nuom niin a hril. North Korea news agency Yonhap-in a hril dan chun, hi thu hi North Korea Foreign Ministry director Choe Sono Hui, Norway a inthawka in pana fe mekin Beijing-a chanchinbumihai kuoma a hril niin a hril. Trump sawrkar le inbiekna nei North Korea a nuom dim tia indawna dawnin, "Thil umdanin a zir a, boruok a tha pei chun North Korea chun US inbiekpui a nuom" tiin a hril.

South Korea rama sawrkar thar hung ngir, President Moon le inbiek te a nuom dim tia indawna chu, "En pei nawm a nim" tiin a dawn. South Korea President Moon chun, North Korea nuclear ralthuom thu chu fel taka sukfel a ni theina dingin a tul chun North Korea inzina inbiek khawm a nuom thu a lo hril tah a nih. South Korea chu inbiek a nuom lai zingin, North Korea-in a nuclear ralthuom siem le ensin a tawpsan chungong nauw chun na taka hren le ensin a rawt a. Chu thil chu thu le a takah inkhuongruol taka thaw ngei ding a nizie le, North Korea

khawma thutiem a nei chun, a tak ngeia a phur suok a tul tiin Mr Moon chun a hril bawk.

Choe Sono Hui hi North Korea nuclear ralthuom chungchanga thua inbiekna haia a kul a taia thang a nih a. Norway-a hin US sawrkar palaihai le inbiekna chi khat Track Two Talks-a thang a nih. Japan media hai hril dan chun, hi Track Two Talks ah hin US government officials hui pakhat an thang a, US sawrkar ngir lai ruok chu a thang nauw. Sawrkar hui mi le sa, official hai hin sawrkar ngir lai hmalak dan ding dam, sawrkar hmasa hmalakna tung chen tah dam, inremna le thil thaw dinga duong lo um tah bawizui tlat lohaid dam an bawizui hlak a. North Korea in Foreign Ministry a hung indin thar nauw khawm hin rambung danghai le inbiekna ding kawt hawngna dinga a thaw, US official hin a kawkhmu nia hriet niin Japanese media chun an hril bawk.

**Nagaland-a BJP-NPF coalition sawrkar an hning**

NEW DELHI: Nagaland-a Naga People's Front (NPF) le Bharatiya Janata Party (BJP) thangruol sawrkar chu tulai hin an hning nia hril a ni a, hienga a fe pei chun term tawp hmain tukum kumtawp tieng hin election an hmasuon el thei niin ei thu dawngna chun a hril.

Neiphu Rio hin Nagaland BJP incharge Ram Madhav fekanin tulai hnaikhan BJP National President Amit Shah an hmu-pui a, party thar indin ding chungthu le party thar BJP le thangruol dan ding thauw thawkni lai zet an inhmu nia hril a nih.

Hieng laizing hin Nagaland BJP khawmin tuta state party president Visasolie Lhoung chu thlak-thleng dingin Amit Shah kuomah ngenna an lo peklut ta bawk a nih. (Agencies)

Hieng laizing hin Nagaland BJP khawmin tuta state party president Visasolie Lhoung chu thlak-thleng dingin Amit Shah kuomah ngenna an lo peklut ta bawk a nih. (Agencies)

**WB-ah thli le ruo leiin mi 8 an thi**

KOLKATA: West Bengal a chun zani zantienga thli le ruo inthuoa a hrang le sur lei bakah Tek tla leiin mi 8 in thina an tuok bakah midang 14 in hliemna an tuok.

Ausgram le Purbasthali (East Burdwan) hmuna Tekin a denghlum an nia, a dang pathum hai chu West Burdwan district-a Jamuria hmuna pakhat le Salanpur hmuna mi 2 an nih.

Thina tuok mi 8 hai laia 7 hai chu East le West Burdwan district haia Tek tlain a denghlum an nia, 4 hai chu Mongolkot, Galsi,

Mithi dang pakhat chu Purulia district-a Para hmuna thingkung tlu in a del hlum a nih.

**AAP leader Ashish Khetan in vauna**

NEW DELHI: AAP leader Ashish Khetan chun Hindu groups haia inthawk thata dinga vauna a hmu niin zanikhan a hril. Hi chungthua hin union Home Minister Rajnath

Singh chu vauna siemtu hai chungwa action la dingin a ngen. Mr Khetan chun May 9, 2017 a kha vauna lekhat-thawn hi a hmu niin a hril. (PTI)

**N. Korea-in Khawvel Rambunghai A Ngen**

NEW YORK: North Korea chun Zirtawpni khan khawvel pumpui huopin 'appeal letter' an suo a. America le a ruol han North Korea nuclear program le missile program dangna dinga thang an lak zing laia UN Security Council-in North Korea chungwa fak le dawn thila inreknna (economic sanction) khir lem puong khum a tum chu thul hram dingin a ngen tawl.

tawl. Hi thila hin North Korea chun US an tum a. Rambung danghai chu North Korea hrem dingin, an nauw chun anni'n hremna tuok dingin a vau tawl niin a hril.

UN Security Council hin 'economic sanction' hmasatak chu 2006 khan a puong khum a. Chu hnungah nuclear ralthuom a la siem sunzawm pei leiin le test a la thaw pei leiin a sukhhaw zuol sau a. Tuhin test wavi rukna ding thaw nauw tuma hriet a nih leiin a neka nasaa la reka hrem a tum a nih. Zirtawpni UN member 192 le observer rambung pahnihai kuoma a ngen dan chun, "hieng sanctions resolutions hai dan phal (legal/binding) a nih ti fie hma" chu economic sanction dang la puong khum lo dingin North Korea chun a ngen a. Hieng sanctions hai 'legal basis' hriifietu dingin international legal expert forum pakhat indin wavi tam a lo ngen tah bawk.

UN sanctions hai in dang feltakin a phal le thaw an nih chun US hin rambung danghai 'ngen le vau' a t ul nauw thil N Korea chun a hril. Hienglai zing hin US chun China chu N. Korea hremna sukhhaw nauw zuola a thil thaw, nuclear ralthuom siem, intawptir dinga nauw dingin a ngen zing bawk. Thla hmasak khawm khan US Secretary of State Rex Tillerson chun, North Korea a chang suok hma ngeia UN Security Council chang vat dingin Security Council a hril a nih.

Tulaia Korean Peninsula laia buoia le abikin North Korea thu awi nauwa thauw UN Security Council North Korea Sanction Committee chun UN-a regional block hai inhmupuiin North Korea reknahai chu sukhrat nauw zuola, hremna ding danghai khawm ngaituo dingin a hril

Zirtawpni bawki khan North Korea chun US House of Representative ah direct-a lekha thawnin, economic sanction rik lem chun a neka nasa nuclear ralthuom siemna chawktir dawnging a nih tiin na deubin a hril niin NNK news agency Yonhap chun a hril. Direct-a US a chona le eltainain thenkhat chun an ngai.

**PIGROW Tablet**

**VAWK INTHANGNA DAMDAWI**

I vawk zawr hun tingna dingin kum khat nek tam nghak ngai tanaw nih.



A THATNA: \* PIGROW mum hi Company-hai ti dan ang taka i pek chun thla 5 sungin kg. 70 chuonkai hman a tih. \* PIGROW mum hin, i vawk chu i pek tana inthawk chawlder loin an thang tir thei.

A PEK DAN DING: \* Vawk pakhat nikhatah mum 20 (zingtieng mum 10 le zantieng mum 10) pek ding. \* Box khat ah mum 600 a um a, chu chu thlakhat sunga a fakzo ding a nih. \* Rawt phita pek in fak awlsam an ti lem. INCHAWK THEINAHAI: 1. Hmingi 2. L.K. Screen Printing Bethel, CCPur Lighthouse Lane, CCPur # 8414852391 3. Pet Care Centre, Tiddim Rd. CCPur. Order tam dan dungziin HOME DELIVERY khawm kan thaw thei.

**LOSS**  
I have lost my wallet containing SSB Identity Card and ATM Card on my way between Saikaw and Lamka, CCPur on May 12, 2017. Finders are kindly requested to handover the same to the undersigned.  
Sd/- Lalbikthang Hmuntha, Saikaw, CCPur Contact Nos. 9862016878

**GOVERNMENT OF MANIPUR OFFICE OF THE DEPUTY COMMISSIONER**

**ORDERS**  
Dated, the 7th May, 2017

No.3/DC/PZL/CAF&PD/17-18: For proper streamlining and implementation of the NFSA 2013 in the newly created Pherzawl District. It is hereby notified for information of all concerned more particularly the existing FPS Agents/SK Oil Sub-Dealers and other concerned Stakeholders that fresh application in the prescribed Format (available in the office of AD/CAF & PD, Pherzawl) are invited from the willing and eligible individuals, women's Self Help Group/Society, Self Help Group Federation, Co-operative Societies, Village Authorities and local bodies for appointment/re-appointment of FPS Agents and SK Oil Sub-Dealers for a period of 2 (two) years, which may be extended for further period as deem fit depending upon their performance in respect of all the identified zones of Pherzawl District, the details of which are available in the office of AD/CAF & PD, Pherzawl, Notice Board. The applicant should be domicile of the village of the FPS Centre. The Applicant who fulfill the terms and conditions as recommended by the Justice Wadhwa Committee Report 9details may be seen from the office of the AD (CAF & PD) Pherzawl may apply to undersigned in the prescribed application form along with the supporting documents for appointment/re-appointment, Preference will be given to the following categories.

- i. Preference shall be given to rural local bodies i.e. Village authorities willing to carry out the function of FPS/SK Oil Sub-Dealers or to women Self Help Group/Society, SHG Federation, Co-operative Societies etc.
- ii. Preference shall be given to rural local bodies i.e. Village authorities willing to carry out the function of FPS Agents/SK Oil Sub-Dealer, existing General, Grocery Store Selling non PDS items in village and willing to carry out the function of FPS/SK Oil Sub-Dealer by imposing restriction in the sale of non PDS Wheat, rice and Lavy Sugar.
- iii. As fare as possible and as done before, single dealer for all PDS items i.e. FPS Agents and SK Oil Sub-Dealer should be preferred and explored.

2. The duly filled in application along with 3 (three) photographs and other relevant supporting documents should be submitted to the office of AD(CAF & PD), Pherzawl on or before the 31st May, 2017, for security, spot verification, assessing viability of the FPS Centre and inviting claims and objections from the general public of the District. The Decisions of the Selection and Appointment Committee constituted in this regard will be final. Pending final selection/appointment/re-appointment of FPS Agents/SK Oil Sub-Dealers, the existing Agent/Sub-Dealers will be continue to discharge their assigned duties as an interim arrangement in the interest of general public.

Sd/- A. Tombikanta Singh, IAS  
Deputy Commissioner  
Pherzawl District.

**ACCELERATE**  
SBI PO-2017 MAINS COURSE  
Starts 15th May  
Timings :-1:20 PM to 4:00 PM (2 class)  
Duration:-3 Weeks(Till Mains-4 June)  
Focus:Quant, Reasoning, English, GS, Current Affairs & Computer Aptitude  
Course Fee: Rs 2000\*(1k for old studs)  
FOUNDATION COURSE FOR ALL EXAMS  
Be prepared for 1 SSC-CGL 2017, 2 IBPS PO-2017  
Classes from 5th June Multiple Batches Available  
Full Course Duration:5-6 Months Reg Fee: 500/-  
Course Fee: Rs 10000 (10% discount on 1 payment)  
Contact:8119871471/8415887403(HostelAvail)

**LAWMTHU HRILNA**

Hun iemanichena inthawk ta khan Pile natna ka nei a. Sawt tak tak inhnawmain hun ka hmanga a, a chang changin thisen a suok a, ka tawl a hung lienin a hung puom a, ka kawnga a hung na a, Gastric a hung um a, ka phing a hung inri rak rak a, ka tak-sa a hugn chauin ka hung cher deu deu a. Ka beidawngin MV Azad Phusam ka pan a, hun iemanichena a mi enkawl a, tuhin chu ka dam fel tah. Hi lei hin ka lawm hle a, hi chanchinbu hmang hin ka lawmthu MV Azad Phusam chungwa ka hung hril a nih. MV Azad Phusam hi nitin 8AM-4:30PM inkar sungin Centre Road (Oop. ICI Church, ICI Road) Hiangtam Lamka, CCPur-ah pan thei le Mobile Phone Nos. 8014025567/7628890261 haiah biekrwnn thei a nih.  
Lawmthu hriltu, Sd/-Sasang New Lamka

**WHO in Congo ram Ebola hri lengin a puong**

UNITED NATIONS: Liberia ram haiah Ebola inleng leiin mi 11,000 chungong zetin an lo thipui ta a nih. Congo rama Ebola hri hung inleng nauw mek le inzawm hin epidemiologist, biologist le hygiene specialist hai thangan experts team tirlut mek an nih tiin WHO thusuok chun a hril. (AIR)

TUOLSUNG

Khuga Dam lampui an siem

CCPUR: Khuga dama um Khuga Batalion chun anni sum hmangin Khuga Dam lampui siemthatna sin an thaw. Khuga Battalion hin lampui siemthatnaa hin anni nei sa Bull Dozer an hmang bakah midang motor Trucks hire in lampui siemna sin hi an thaw a nih.

Hi lampui hraw khuo le mipui hai chun Khuga batalion hai hmalakna hi lawmum an ti hle thu an hril. Hieng laizing hin thil mak ve tak chu tuta hmain hienganga Army han lampui an siem tha changing mi thenkhatin hamthatna intel tumin camera-a thla lain Work Order hnawt pawl khawm an lo um hlak nia hril a nih.

Cyber Attack-Headline sunzawmna

buoi leiin sin tamtak a chawl baw. "WannaCry" software "ransomware" hin computer-a file hai a kal khum (lock-up) a, hmang thei ta lo dingin 'encrypt' a thaw a. Chu siemthat nawkna ding chun mi an black-mail (hold at ransom) ta hlak a nih. I computer a file indiklo pakhat click fuk annawleh internet-a thil indiklo/ halo pakhat download a inthawka um thei a nih.

Hi mal-software hi Window Operating System ah awl-sam taka lut thei, network computer pakhat a inthawka computer dang kai zap pei thei "worm" anga siem a nih a. Computer network tamtak inthlung zawm a ruolin a effect thei a nih.

Hacker hai hi Computer hawng nawkna dinga pawisa pek hmang khawma an la hawngpek nuom naw thei a. A chang chu, pawisa tamlem an la ngên nawk pei a, pek naw hlak chun computer hmang thei tah lovin an um el si leiin buoihlak tak a nih. Company tamtak computer sang tel a ruola a sie vawng chun company buoi namenin an buoi nawa, pawisa tamtak inhmang nek chun tlawmte senga computer hai 'restore' nawk an nuom hlak leiin 'attacker' le 'hacker' hai an hlawtling tah hlak a nih.

India le Russia, China, Indonesia hai a effect nasat nasan pakhat chu Window XP la hmang an tam lei a nih. Hi lei hin Microsoft chun updating system le patching a thaw zing a. Amiruokchu, tamtakin an computer an update ngai naw bakah 'patch' hai hi an ngaisak ngai naw leiin 'virus' (ransomware) hi a lo lut ru ta hlak niin a hril baw.

I computer 'spam' folder a mi thil reng reng chu hawng fimkhur el rawh. Hi 'ransomware' khawm hi spam angin thawk le khata vaibelsie tel computer-a lut thei a ni a. Spam folder-ah a lut tlângpui a, thenkhatna chu "Inbox" a lut baw hlak. A tam lem chu internet fethlengin Microsoft Window Operating System direct-in a lut/suksiet thei baw.

Abikin Windows computer Microsoft-in March thlaa 'patch' an suo hmang nawhai, Window XP le Server 2003 la hmanghai a hne bik a. Hi dangna ding hin Microsoft chun, kum tamtak hmang tah Microsoft Window, an support ta lohait thanguina ding mch 14 khan 'patch' an tlângzar a. Ch chu install sêng dingin an ngên a. An engineer han 'detection and protection' hmangruo tamtak an siem bel ta niin an hril baw.

Hienglai zing hin, hi cyber attack dang tumin anti-virus copany le software company le cyber crime agency tamak le mithiem mimalin an thaw sup a. Hong Kong-a researcher pakhat chun "WannaCry" dangna hmangruo "kill switch" a hmuosok niin a hril.

Research thawtu hin AFP a hril dan chun, vângpala a hmu suok a nih. "Hacker han "ransomware" an hmang domain name hi register lo a nih a, a domain name ka registered phingin an dar zau pei (spreading) ding a tâwp ta a. Domain name revoke an naw sung chu sin thaw thei tah naw nih a, Anachu in computer hai an rang thei angin update ro" tiin Twitter-ah @MalwareTechBlog a post a post.

Am chun buoina hi a la tâwp nawa, an code hmang thlengin an la thaw nawk thei zing niin a hril a. Chun, computer a lo suksiet tahai chu dang thei ta a chuong naw niin a hril baw.

"Computer hmanga sinthawna, internet khawvêla hin inhlema khawm a tam deu dea a. Inthi le pawisa inlakpek a awl em em. Awlsam deua hausak theina khawm a um baw leiin tamtakin an hmang suol reng a nih. Off line-a "extortion" bakah "cyber extortion" hi an sum hnar thar pakhat a nih tah" tiin Vikram Thakur, Principal Research Manager, Symantec chun a hril.

Cyber attack hi tulai khawvêla thil tum tak a nih tah a. Ralthuomhai control-tu computer software hai thunun theitu tu chun khawvêla ralthuomhai an thunun thei ta ding a nih leiin "Cyber attack" or "cyber war" hi khawvêlin a hmasuon indona thar ding chu a ni tah.

14th State Level Hmar Martyrs' Trophy 2017 Semi Final Review: FAST-A chun FC Ridil 2-0 a hnein Final an inpetkai

Manipur State Level Hmar Martyrs' Trophy 2017 fe mekah zani khan Semi Final pahinna inkhel a nih a. Club tha le suongem ve ve, FAST-A, Rengkai le FC Ridil an inhmasuon a. Inkhel an inhnetawk hlea chu minute 11 naah FAST-A ta dingin Ramtha Samuel chun goal hmasa a thun a, chu hnung an innawr char char a. Half chenh goal dang a lutsap ta nawh.



anachu hun tawp hnai tieng FAST-A tieng bawkin Lalneidik hmangin goal an thunsa a, an hratna a hung namnghet ta a nih. FAST-A hi kum dang

Second Half tan a ni khawmin a tu tieng tiengin goal an thun el thei naw a,

JOSE MOURINHO: EUROPA LEAGUE LAK A NI NAW KHAWMA UNITED TA DING CHUN SEASON HLAWTING A NI THO THO

Manchester United Manager Jose Mourinho chun tuta season Europa League Final an kai le inruolin, Cup an lo lak naw khawma United ta ding chun season hlawtling a la ni tho tho thu a hril. Jose Mourinho hi Manchester United chanchina dingin season hmasa taka trophy lien tham la nghal thei hmasa taka la nih. Anni hin January khan English Football League Cup an lo lak ta a nih.



karah iengkhawm lungni-nawna a um naw thu a hril. Europa League bikah tuta season hin Group inkhel-naah vavithum an lang tah a, Romero ruok chun last 32 tan a nia inthaw a lan lang deu char char. United Centre back Eric Bailly chu Europa League Final-ah inlang thei nangwa a ta, anachu Premier League match pathum la umhaia hin inlang vawng ngei a tih. Eric Bailly hi Celta Vigo le Semi Final an inkhel tuma Red Card hmu a ni leiin Europa League Final-ah an ang thei naw ding a nih.

Mourinho hi tuhin kum 54 a ni mek a, a team Manchester United hai Premier League-ah inkhel 25 tawp hrat naw nei thak lovin

Kate Middleton, Luxembourg A Sir

LUXEMBOURG: European Union a inthawka Britain a suok dawkna ding le inzawma a suok dawkhung khawma EU rambunghai le an inlaichinna a tha zing theina dinga Royal Family in inlaichinna siemthatna dinga a hmalakna, rapport building program le inzawmin, Charles han Ireland an sir lain Duchess of Cambridge, Kate Middleton chun an pa thang lovin EU headquarter inngathna Luxembourg a sir a, ram thuoituhai leh an hlim tlâng dar dar hle.

Khuol an zin naw leh program a thang zata an larna tak hlak, an cheidan simple tak le manto tak a ni hlak angin Luxembourg inzin khawm hi Coat pawl dal (Emilia Wickstead design) le 'nude heels' a bun a. A manto tak le hril kai tak inlang rak lo chu, Rs.2.87 lakh (€3, 500) man lunglu (blue topaz) le 'white gold' nabe (Kiki McDonough) chu a nih.

Kate hi Luxembourg in neutral um dinga zalenna a



hmu a inthawka kum 150 tling lawmna le inzawma va sir a nih a. Luxembourg khawpuia Grand Duchy ah Crown Princess Stephanie leh an tung a. A thaw hmasatak chu Musée d'Art Modern, patron a nina va sir a nih. Place de Clairefontaine ah naupang pahni le an nu han an lo hmuok a. Kate chu an zaka naupangte chu a t ap hlawl. A hmêl tak leiin naupangin an inzak a hawi. Kate Luxembourg an zinna san pakhat dang chu Treaty of London 1867 lawmna Grand Duchy-a thang ding a nih. Hi zova hin Royal Trip dang "Brexit

Dwayne "The Rock" Johnson President Ngir Nuom

LOS ANGELES: Hollywood actor hlâw rawntak Dwayne "The Rock" Johnson chun, US President nisien chu leadership le inclusion a thupui tak a ni ding thu a hril a. President ngir nuom i ti? tia GQ magazine interview-a an indawna chu, White House inchu dinga ngir chu "thil thei tak" a ni ding thu a hril. A umzie chu President ngir a nuom tina a nih.



Magazine a hril pei dan chun, acting le movie siem chau ni lovin a fans hai chun politics khawm luta President chen inchu ve dingin an dit niin a hril a. A mimal tak khawmin article pakhat a tiema inthawkin President ngir ve hi a lunglut tak tak tah niin a hril baw. "The Washington Post" ah article pakhat, President dinga beisei ka um ve zie an ziekna ka tiem a. Chu chun ngaidân inthuk tak a mi pek a. Donald Trump zova President dingin thaw ve ka awm ta thoin ka hriet. Kha hma khan chun a la nep deuh a, tuhin chu kum telin a zuol deu deu tah niin ka hriet"

tiin a hril. Amiruokchu, thil reng reng chu inhmaw taluoa thaw a nuom naw thu a hril a. Politics lem chu inhmaw deua thaw a tha nawh tiin a hril. Tuta US Presidential election-a khawm khan, party pahni Democrat le Republican han an dawr ve ve a, endorsement thaw dingin an ngena chu a tu tu khawm a lo pawm naw niin a hril. "Ka thuhri le tawngbau han thu sei tak an hril thei ka ring a. Chu lei taka chu endorsement thaw dinga an mi dit niin ka hriet. Anachu, tu party khawm ka endorse nawh" tiin a hril

a. President Donald Trump office a kaia inthawka thla hmasatak chena a sinthaw ah, "leadership quality tha lem" um sien a ti thu a hril a. Leadership thatak a mamaw niin a hril. "President ni ding chun leadership nei that a tul a. Balance taka mi tin enkawl thiem a tul a. Mi po po chungna mawphurna lak ngam a tul a. Mani umna ding hmun siem that hmasak a tul" tiin a hril a. "Mi kan rempui thei naw, ngaidân intawmpui thei lo ka lo nei khawma hnâw/ or ngatsan el chuong nawng ka tih" tiin mi tin inruol taka treat a tum thu a hril.

Priyanka Chopra Tuipui Kamah Chawl Hmangin

LOS ANGELES: Indian Bollywood nungâh, Miss World lo nih tah Hollywood tienga insawna hmang ser t an mek Priyanka Chopra chu "Quantico" TV serial hlawtling taka a chang zong le "Baywatch" an siem zong hmangin Zirtawpni kamah chawl hmangin tuipui kamah zakuohnuoi (Bikini) leh chauhan pholanga, a nal ve hle.



Priyanka Chopra (34) hi Indian nuhmei a ni ang bawkin bikini chauh haka inhawng heu huoua mipui laia inpholang chu inhawi a ti naw met niin an lang. Kekawrte le bra stylist deu 'dark blue' a hak a, kawrhung ang deu Khakhi zakuo uk hâkin a awm lai le banhai a thup a. A malpui le kerai hai nalna ruok chu a thup chuong nawh.

Victoria Secret model Adrian Lima (35) khawm, a phing thei zatin, bikini dum le sunglass (Jackie O) dum baw bunin, a sam dum thlap hlim tung vawngin an tâwm a. Priyanka Chopra chun Aviator sunglass bunin a hnungtieng a inthawk a lo kuo zing bawk a. An pahni'n tuipui kam phaiphin lai insukdein, cold drinks (Caipirinha) dawnin inhawi an ti hle.

Priyanka Chopra hi Dwayne Johnson (The Rock) leh "Baywatch" an chang a. Trailer khawm tlângzar a nih tah a. A Movie tak chu May 25 a inthawk khin tlângzar ning a tih. "Baywatch" ah hin local night-club neitu nunghak hmêltha le huoisin, mani thu thua um Victoria Leeds lem a chang a. A changpui danghai chu, Dwayne Johnson bakah Zac Efron le Kelly Rohrbach hai an nih.

Cindy Crawford (51) A La Nal Hle

WASHINGTON: Supermodel Cindy Crawford chu kum 51 a chuong taa chu, Jean kekawr le Levis jacket hnuaiah v-neck t-shirt var leh, pheikhawk inhnua bunin, sunglass leh a hei thaw chu a la nal hle. Model a ni anga hrisêlna a ngai pawimaw leiin hrisêlna thu le inzawma Bill Clinton le Michelle Obama hai zawm dinga Summit fe khawm an hme hle.



Ningani khan Washington DC-a Partnership for a Healthier America Summit-a thang dingin Washington DC a vuong lut a. Airport terminal a inthawka a hung lawn phe chu a pheikhai a zangin a lan fit hle ti an hmu thei. Cindy Crawford hi, naupang laia thaw taluo (child obesity) veng dan ding thua hohlina Summit ni tâwpna taka thang ding a nih. Hi Health Summit ah hin President hui, vawi khat thuhriha \$50, 000 hlaw phâk Bill Clinton le thuhrih thiem baw Barack Obama nuhmei Michelle

Obama hai khawm an thang ding a nih. Cindy Crawford hi a pasal Rande ang thovin a la nal a nih.

Gerber leh London-a an ruolpa George Clooney le a nuhmei Amal Clooney hai kana fe hung tung hlim a nih. London-a an ruolpa George Clooney, in thar le naute thar pai mek kan dingin surprise visit an thaw a. George hai nupa chu an hlim hle a. An hun hmang lai thlalâk a fans hai kuomah ni khat lai khan a share nghe nghe.

The Money Monster changupta George chun a barakhai hlea chu a lâwm hle thu a hril a. A lawmna suklagna dingin Themes vadung ah motor-boat-in a ruolhai a tân kuol pui zek baw. London an fena san dang pakhat chu "Ocean Eleven" star George kum 56 a tling lawmna a nih baw. Cindy Crawford hi a nuanu khawm ama ang thoa model nal le hmêltha a nih taa chu, nunghâk

Prince Charles, Ireland Le Inruolthat Zing Nuom

LONDON: Britain crown Prince Charles le a nuhmei Duchess of Cornwall, Camilla hai chu Charles a 'honorary grandfather' Louis Mountbatten, IRA han 1979-a an bomb hluma inthawka kum 40 hnungah Ireland an inzin a. Britain le Ireland chun an inlaichinna vawng nghet zing hai sien a nuom thu a hril.



Prince Charles a mentor Louis Mountbatten kha IRA member Thomas McMohan-in a nga manna lawngah radio-bomb chang kamin a that a nih. Tuta an inzin hi a vawi thumna ding a ni tah a. A thi hmakhat chu Ireland inzin nawk pei a tum thu a hril baw. Kilkenny khawpuia Great Hall ah mipui sang tel lai thuhrih. "Britain-in EU lo suoksan sienkhawm, Ireland

le inlaichinna chu ei suknghet zuol pei ka beisei a. Ireland kan hung inzin thei hi vângnei kan ti hle. Ei ram pahni in inruolthatna le hmasawng tlangna dinga tha tamtak ei nei a nih" tiin a hril. Charles le Camilla hi Prime Minister Michael D. Higgins le a nuhmei Sabina Coyne han Dublin

Zirtawpni khan Khawvel Indopui 1-naah thihai le Ireland zalenna dinga 1916 Easter Rising-a hringna chanhai phumna hmun Dublin khawpuia a Glasnevin Cemetery a sir a. Thihai sunna le inzana an pek. Belfast a police thi tahai hrietzingna thlan an sir baw a. Noble Prize lo dawng tah Seamus Heaney khawm an sir baw.

Prince Charles le a nuhmei Camilla hai hi Royal Family official responsible angin, politics level ah ni lovin Britain le rambung dang danghai kêra inremna le inthuruolna a um zing theina ding le hmatiang peia khawm an inruolthat pei theina dinga inlaichinna siem dinga inzin an nih a. Ireland ah hin ni 4 cham an tih.

CDSA Player transfer May 23 chen thaw thei

CCPUR: Churachandpur District Sports Association (CDSA) chun May 1- a inthawk May 23, 2017 inkar sungin Teams/Club hai ta dingin Player Transfer thaw thei ni dinguo thusuok a siem.

Player Transfer hi zingkar dar 7 a inthawk 10AM inkara thaw thei ding

Chun, June 17, 2017 khin kum 2017-2021 inkar sunga CDSA Of-

fiice Bearer ding thlangna nei dingin May 10, 2017 nia CDSA Executive meeting chun an rel. Hi baka hin May 27, 2017 chenhah CDSA affiliated Club han Biodata kim takin CDSA Office-ah an peklum ding ti a ni baw. Thu chieng lem CDSA Office-ah in-dawn thei ning a tih.


ENGLISH PREMIER LEAGUE: Chelsea chun West Brom hne-in Premier League title an lak fel tah

Zirtawpni zan khan English Premier League inkhel pahni a um a, hmasa le-mah Everton chun Watford an lo mikhuol a, Ross Barkley goal umsun hmangin Everton chun 1-0 in an lo hne. Ama hin minute 66 naa a thun a nih. Everton hi tuhin pasarina an ni mek a, Watford ruok chu sawmpangana an ni ve thung.

Leader Chelsea chu West Brom tieng an inzin substitute Michy Batshuayi goal umsun hmangin hnena hlu tak an va chang. Inkhel ding pahni la nei hai sienkhawm an hnuaio chara um Tottenham hain pathum an la nei a, Chelsea hrat naw vawngin Tottenham hrat vawng hai sien khawm an hnawt phak thei

le Manuel Pellegrini hai khawm season khatnaah title an lo lak seng tah. Antonio Conte hin Juventus Manager a ni lai a zawmin title vawi 3 a lo lakpui ta baw. Hi title an lak le inruol hin playehai chun an veteran player John Terry chu lawm taluoin a vâwrin a vâwr zak el a nih.

Chelsea hin tu chen hin title vawi 6 an lakna a ni ta a. Nikum khan 10-na an ni



ta chuong nawh. Point 10 in an insang lem ta leiin. Chelsea haiin Title an lak hi kum thum sunga vawihni an lakna an tah a, Juventus Manager hlui Antonio Conte Season hmasa taka an lak a ni baw. Tuta season sung vawi 28 tawp an hrat a nih. Antonio Conte hi Manager season khatna Premier le thei pali lai a hung thang ve ta a nih. Jose Mourinho, Carlo Ancelotti